



Broj: 04/II-11-264-1/21
Goražde, 09.09.2021. godine

Na osnovu člana 64. stav 1. tačka b), člana 70. st. 1., 3. i 6., člana 89. Zakona o javnim nabavkama („Službeni glasnik BiH“, broj: 39/14) i preporuke sadržane u Zapisniku Komisije za provođenje postupka javne nabavke putem konkurentskog zahtjeva za pružanje usluge nabavke terenskog motornog vozila 4x4 za potrebe Ministarstva za privredu – Kantonalne uprave za šumarstvo Bosansko-podrinjskog kantona Goražde, direktor Kantonalne uprave za šumarstvo Bosansko-podrinjskog kantona Goražde **d o n o s i**:

O D L U K U o izboru najpovoljnijeg ponuđača

Član 1.

Prihvata se preporuka Komisije i Ugovor o nabavci terenskog motornog vozila 4x4 se **odjeljuje ponuđaču „GUMA M“ d.o.o. Mostar**, za ponudu broj: 04/II-11-264/21 od 31.08.2021. godine i ponudenu cijenu od **32.000,00 KM bez PDV-a**.

Član 2.

Izabrani ponuđač je obavezan nakon prijema Odluke o izboru najpovoljnijeg ponuđača u roku od 5 dana dostaviti dokaze tražene tenderskom dokumentacijom (originalne ili ovjerene fotokopije).

Član 3.

Prijedlog Ugovora o javnoj nabavci dostavit će se na potpis izabranom ponuđaču nakon isteka roka od 15 dana, računajući od dana obavještanja o izboru, ako u ostavljenom roku ne bude izjavljena žalba.

Član 4.

Ova Odluka objavit će se na internet stranici (www.bpkg.gov.ba) istovremeno s upućivanjem ponuđaču koji je učestvovao u postupku javne nabavke, u skladu sa članom 70. st. 6. Zakona o javnim nabavkama.

Član 5.

Ova odluka stupa na snagu danom donošenja.

O B R A Z L O Ž E N J E

Vlada Bosansko-podrinjskog kantona Goražde je dala saglasnost za pokretanje postupka javne nabavke svojom Odlukom broj: 03-11-1189/21 od 09.07.2021. godine. Na osnovu toga, Kantonalna uprava za šumarstvo je donijela Odluku o pokretanju postupka javne nabavke broj: 04/II-11-213-2/21 od 14.07.2021. godine, čime su stvorene zakonske pretpostavke za provođenje postupka.

Javna nabavka je provedena putem konkurentskog zahtjeva za dostavljanje ponuda uz primjenu najniže cijene kao kriterija. Procijenjena vrijednost javne nabavke bez PDV-a je 33.000,00 KM bez PDV-a. Na Portalu javnih nabavki je 16.08.2021. objavljeno Obavještenje o nabavci broj: 5897-7-1-1-3-2/21.

Zahtjevi za dostavljanje ponuda su u skladu sa članom 88. Zakona o javnim nabavkama upućeni određenom broju privrednih subjekata i to: AUTOKUĆA MATIJEVIĆ d.o.o., GUMA M d.o.o. Mostar i AUTOKUĆA JELIĆ d.o.o. Široki Brijeg.

Tendersku dokumentaciju sa Portala javnih nabavki preuzeli su sljedeći subjekti: „STEEL“ d.o.o., EKAPIJA DOO, BBS EUROPE, „A.C.I.“ D.O.O., GUMA M d.o.o., SEJARI d.o.o., LADA AUTO d.o.o., CENTAR ZA RAZVOJ MEDIJA I ANALIZE, BIRN d.o.o., AUTO START d.o.o. i AUTOKUĆA MATIJEVIĆ D.O.O. Široki Brijeg.

Komisija za provođenje postupka javne nabavke putem konkurentskog zahtjeva za dostavljanje ponuda i odabir najpovoljnijeg ponuđača za pružanje usluge nabavke terenskog motornog vozila 4x4 formirana rješenjem broj: 04/II-11-213-7/21 od 27.08.2021. godine je blagovremeno i pravilno izvršila otvaranje pristigle ponude o čemu je sačinjen zapisnik o otvaranju ponuda.

U predmetnom postupku je zaprimljena samo jedna ponuda i to:

- „GUMA M“ d.o.o. Mostar, broj: 04/II-11-264/21 od 31.08.2021. godine.

Komisija je utvrdila da je **ponuda privrednog društva „GUMA M“ d.o.o. Mostar prihvatljiva** i da ispunjava sve uslove tražene tenderskom dokumentacijom. U postupku donošenja ove Odluke, posebno je uzeto u obzir da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa kriterijima iz tenderske dokumentacije. Nisu uočene nepravilnosti u radu Komisije te je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Najpovoljniji ponuđač je odabran na osnovu kriterija najniže cijene sa ponuđenom cijenom od 32.000,00 KM bez PDV-a (37.440,00 KM sa PDV-om).

Uz prijedlog i preporuke Komisije da se ugovor dodjeli ponuđaču „GUMA M“ d.o.o Mostar i uz primjenu člana 64. stav 1. tačka b), člana 70. st. 1., 3. i 6. Zakona o javnim nabavkama („Službeni glasnik BiH“, broj: 39/14) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi direktno ili preporučeno poštanskom pošiljkom na adresu Kantonalna uprava za šumarstvo Bosansko-podrinjskog kantona Goražde, Maršala Tita br. 5, 73 000 Goražde. Žalba se podnosi u najmanje tri primjerka.



DIREKTOR

Anes Salman

DOSTAVITI:

- „GUMA M“ d.o.o. Mostar
- Ministarstvo za privredu Bosansko-podrinjskog kantona Goražde
- Služba za odnose s javnošću Bosansko-podrinjskog kantona Goražde
- Evidenciji
- a/a